

الناقور

(مُربعات شعريّة بالعاميّة المصريّة)

للشاعر

خالد عبد المنعم عبد الله

اسم الكتاب: الناقد

تأليف: خالد عبد المنعم عبد الله

الإخراج الداخلي: القسم الفني بالدار

تدقيق لغوي: دعاء سعيد

تصميم الغلاف: محمود عبد الناصر

الطبعة الأولى: 2023

رقم الإيداع: 2022/23319

الترقيم الدولي: 978-977-6953-98-7



مزاج الكتب
للنشر والتوزيع

ج.م.ع

الإسكندرية

Email: mazagelkotob@gmail.com

Mobile: 01024541339

لا يسمح بإعادة طبع الكتاب أو أي جزء منه أو تخزينه في نطاق استعادة المعلومات أو نقله بأي وسيلة من الوسائل سواء التصويرية أم الإلكترونية أم الميكانيكية، بما في ذلك النسخ الفوتوغرافي والنشر على أشرطة أو سواها وحفظ المعلومات واسترجاعها دون إذن خطي من الكاتب أو الناشر.

بِسْمِ اللَّهِ الرَّحْمَنِ الرَّحِيمِ

﴿فَأَمَّا الزَّبَدُ فَيَذْهَبُ جُفَاءً وَأَمَّا مَا يَنْفَعُ النَّاسَ فَيَمْكُثُ فِي الْأَرْضِ﴾

[الرعد: ١٧]

الشاعر الواعر..

أشعر بسعادة غامرة حين يُضاف أحد المُبدعين الحقيقيين إلى
كتيبة شعر العامية التي أفخر بالانتماء إليها.. هذا ما حدث حين
تصفحت بعض مُربعات الشاعر/ خالد عبد المنعم، قفز إلى ذاكرتي
فوراً ذلك العبقرى الذي أطلق مقولة (مصر ولادة)، كان ذلك
مُنذ زمن بعيد، وما زالت النبوءة تتحقق.. اقرأوا أشعار هذا الشاعر
الواعر؛ وسوف تشعرون بنفس السعادة التي شعرت بها.. إلى الأمام
دائماً يا صديقي وفي انتظار المزيد والمزيد.

شوقي حجاب

٢٠٢٢/٠٣/٢٨ م

إهداء

إلهي رائد أدب الطفل في الوطن العربي..
وشيوخ قبيلة الشعراء كما أُسميه
الشاعر الكبير: شوقي حجاب..

إلهي من قدمتي وقدمت أشعاري بصوتها
عبر الأثير.. الصوت الفايح حرية
الإذاعة الكبيرة: أميمة مهران..

مقدمة

أشعاري مادنة.. لولاد بلدنا.. إرث الجدود.
مملوك وجارية.. ودمعة جارية.. على الخدود.
دنيا، وعباد.. فيهم أباد.. شيطان لدود.
كلونيا كَفَنِي.. في يوم ما عَفَنِي.. يَشْمُه دود.
هاوية حساب.. فيها العذاب.. مالوش حدود.
قصور ودُور.. وبحور وحور.. وَعَد الودود.

خالد عبد المنعم

- ١ -

وحدوا الدائم ناشئ الدُّجى والنور
اللي بإيده الأمر كله يوم النشور
جامع الناس من الأجداث في يوم
النار حين تشوفهم م الغيظ تفور!

- ٢ -

تشميتة آدم في الجنة
صرخة إبليس الندابة
حبلت بأفاعي بتتجنّى
وبتتمنى الناس كدابة

-٣-

يَالِي انتِ وَسَوَاسِكَ أَغْوَاكِ
وَعَشْتِ سِنِينَ بَتَسَلِّي
سُبْحَانَهُ مِنْ سَوَّى، وَخَلَّى
جَهْلُ زِيكَ سَجْدَلَهُ مَلَاكِ

-٤-

نَقَّرَ عَلَى بَابِ الْمَوْلَى
مِنْ غَيْرِهِ بِالْذُّعَا أُولَى
دِهْ اَحْنَا الضُّعْفَا مِنْ غَيْرِهِ
مَالِنَاشِ قَوَّةً، وَلَا حَوْلَ

على بابهِ كل فقير وحزين
ومهموم.. تَقْل الموازين
بذنوب لويوم تنطق تقول
إمتى تعود تايب، ورزين؟

يا مَبْلِي بالهم، والذنوب
وقلبك مَطْلِي بالأحزان
لَكَ رب تستغفر، وتوب
يغفر ولو كانت أوزان

- ٧ -

عيش مستقيم ربك يديم
عليك الصحة، وتنسِتر
ويغفر الماضي القديم
مهما تعدى، أو كثر

- ٨ -

قوموا ائْلَحْلَحُوا لجل ما تفلحوا
وبلاش على غيركم تِسْتَلَوْحُوا
ده انتم يا كَسَالِي تَطُولُوا السما
بعملكم إذا بيّه تَسَلَّحُوا

- ٩ -

أَجْمَلُ مَا فِي الْكَوْنِ إِلَيْهِ؟
قَالُوا: الصَّيِّتُ، وَالْغَنَى
أَنَا قُلْتُ: أَجْمَلُ مَا فِيهِ
هُوَ احْتِضَانُ الضَّنَا

- ١٠ -

يَا عَابِرَ الدُّنْيَا دِي إِلَيْهِ
غَيْرَ الْأَهْآتِ وَالْفَهْقَهَاتِ
وَحُضْنَ يَلْقَاكَ وَتَلَاقِيهِ
فِيهِ مَنْ حَنَا الْأُمَهَاتِ؟

- ١١ -

ليه ضاعت أخلاقنا ما بيننا
والإخوات ما بقوش اخوات؟!
ولا حابينهم، ولا حابيننا
ولا بيننا حنوة، ونخوات!

- ١٢ -

يا قاتلين طاهرة بكرية
وواخدين دارها جبرية
حتماً راح ييجي يوم يدوي
في دارها صوت الحرية

- ١٣ -

في زمنًا بدون صاحب تنطخ
وف أوحال تهوى، وتتلطخ
ولا يهنى له وساد في الأزمات
إن سمعك وانت بتصرُخ "أخ"

- ١٤ -

ياللي تسيء الظن بالناس فوق
ترافق سوء تحسر وتزداد سوء
لا تعادي روح عاتب وافهم تروق
دي خصلة الناس الأصلحة الزوق

- ١٥ -

إذا يوم الغضب اتَّحَكَمَ فيكَ
قوم طَفَّيْهِ في الحين، واتوضى
واستغفر وإياكَ تفتح فيكَ
وتجادل.. وتشعل فوضى

- ١٦ -

باب ربك عمره ما يتقفل
ولا يهمل ولا يقول اصطفل
مهماً تعصاه تلقاه يمهمل
ترجع، وتتوب بك يحتفل

- ١٧ -

زمنًا فيه الخسّة عادة
وناسه قلوبهم ما مش هي
فيه ناس بتحلم بالسعادة
وناس في الشر ملهيّة

- ١٨ -

على قلبي الشر كان قادر ومُتولي
لكن فاجئني الي سَبَح فيه مِيتُ ولي
قلبي الي كان جبارم الحُب اتغز.. لان
لعيون كما الغزلان رَحَاحَة ومُتَوَى لي

- ١٩ -

ياللي انت بتقول وتعاير
معايرتك جرحها غاير
وقبل ما تطعننها افتكر
إن الزمن حتماً داير!

- ٢٠ -

الروضة: واحدة من جنة الله!
وشعور براحة قُرب الحبيب!
فيها: الي فضفض والي صَلَّى
والي دمُعُه م الشوق صَبِيب!

- ٢١ -

لما شيطان القسوة لبسكوا
فركش أواصر كوا، ومجالسكوا
واغتال الحب الي حارسكوا
وغاithكوا سنين من أباليسكوا

- ٢٢ -

يا سيئ الطبع ارتجع سوء الأدب عيبة
جزاتها في الآخرة حتماً مُرَّة وصعبة
ومهما تتعب وتسعى وتطوف يا حزين
إيه لك في موازين آخرتك غير الخيبة

- ٢٣ -

مش بس عُمر بعشق عشته وانقضى
ولا بس شهقة، أو روح بتطلع للفضا
ولا بس أكفان وريحه مسك، وكلونيا
الموت ده رؤية حبيب وراحة وفضفضة

- ٢٤ -

ياللي انت على لئنا دخیل
مهما ادّعت صدقك ما یخیل
على ناس عقولها دارية إن
ما یجودش بالأخلاق بخیل

- ٢٥ -

يا مَهْرولين في الدنيا هَدُّوا
مين فينا واخذ منها حاجة
خوفي تضيعوا، وتَهْدُّوا
وتبكوا فهاوية وهَّاجة

- ٢٦ -

يا لابسين وش تُقَى مزعوم
وإيمان ع الناس بيتدلّ دق
قربت اعيط واصدّق
وانسى انكم غربان وبوم

- ٢٧ -

ياللي اتتواع الشر بتحرُّكوا
وبان عداكوا وسوء أمرُكوا
مش ناقص الا انكوا تغدروا
بعض، وتحفروا قبرُكوا

- ٢٨ -

لا دولاً ناسننا، ولا ناسننا دولاً!
ولا عُمر ناسننا فاقدة الرجولة!
مين ده اللي يقبل ويبقى راضي
بالعُري ده غير تيوس جهولة؟!

- ٢٩ -

يا غاويين لَـت، وشِـاتة
وفينا البُهـت قايـلِـنْهُ
ليه بتعادونا باستماتة
وُبـرقع الحيا شايـلِـنْهُ؟!

- ٣٠ -

الدينا بتقلُّب فينا
كـده رايـح جـاي
وبلبـلتـنا وبقينـنا
كـما تـقل الشـاي

- ٣١ -

الدين مش بس صوم وصلاه
وحجاب ولحية وادعاء
الدين معاملة يا خلق الله
وتقوى ومكارم أخلاق

- ٣٢ -

إفهم ياللي انت منّا
قوالتي دي واسمّـع
لو فيه خلاف بينّا
فينّا الغريب يطمّـع

- ٣٣ -

مِين فِينَا يَوْمَ صَعَّرَ خَدُّهُ
لِشَطَانٍ مَلَانَا نَفَاقَ وَرِيَاءٍ؟!
مِين فِينَا قَامَ لَهُ وَكَانَ قَدَّهُ
وَهْدَ سَوْقِ سُوءِ الْأَخْلَاقِ؟!

- ٣٤ -

إِتْجَسَّسَ عَلَى دِه وَدِه وَدِه
وَاسْمَعَ مِنْ دِه وَدِه الْوُدُودَةَ
يَا كُ تَهْدِي لِمَا أَبْوَابُ قُلُوبِنَا
بَيْنَنَا وَبَيْنَ بَعْضِ مَوْصِدَةٍ

- ٣٥ -

وَشْ تَعْمَلْ أَحْمَالَكْ ياقارون
حين يناديك ربُّك يوم العرض
بُعْدًا لَكَ سَو.. عُثْل.. حَارون
دُون ونهايتك بالعاك الأرض!

- ٣٦ -

أحفاد القتلة ثمود وقايل
سافكين الدم ف كل نهار
ما لهم من نار الآخرة سبيل
ولا جار من غضب القهار!

- ٣٧ -

سبحانه سَوَّى الناس من طين
وطين الأرض ده أجناس
يا ناس أنجاس ومنحطين
يا ناس أصلًا وأولاد ناس

- ٣٨ -

ليه الجفَاء زاد وانتَشَر
وقلوبنا أقسى من الحَجَر؟
معقول الأخ يخون أخوه
والوَحْش أوفى من البشر؟!

- ٣٩ -

يا ناسي الدم والجيرة
وقلبك مَطْلِي بالغيرة
يا تنقي قلبك م الدنس
يا إِمَّا تَقْضِهَا سيرة

- ٤٠ -

من الساعة دي حُط النُّقْط
على الحروف مع أي سفيه
ده اللي في عِبْه بايتة القُطْط
عُمر الفيران ما تقَرَّب ليه

- ٤١ -

يقولوا الناس مقامات
وصاحبنا ده له علامات
ساعة يأسفِن وساعات
لَّتات بين الحريمات!

- ٤٢ -

بقى هي دي أرض الحجاز
والعلم والدين، والإعجاز؟
من يوم ما بانّت بير الجاز
مالّت! حتى المحرّم جاز!

- ٤٣ -

كُلْ يَا غَيَّارُ فِي رَوْحِكَ
حَرَّضَ .. وَافَرُّكَ .. وَعُضْ!
لَكَ يَوْمَ تَنْطِقُ جِرْوَحَكَ
وَتَنَادِي يَا عَاصِي رُدْ!

- ٤٤ -

الدنيا ماشية لـورا
ولا عـادش فيها ولاء
إيـه للخلايق جـرى
في الطبـع والأخـلاق؟!

- ٤٥ -

النَّكْسَةَ مَشَّ فِي خَسَارَةِ مَاتَشْ
أَوْ فِيلَمْ مَا نَجَحَشْ ف سِيَا
الْوَكْسَةَ مَا تُحْطَشْ لِيَكْ تَاتَشْ
فِي الدُّنْيَا، وَيَكُونُ لَكَ قِيَمَةٌ!

- ٤٦ -

مَنْ أَخْلَاقُ النَّاسِ فِي زَمْنِنَا
قَنَفْ قَلْبِي رَجَفْ
وَلَا عُودْنَا لِبَعْضِ بِنْتَمَنِي
تَبْقَى حَيَاتُنَا نَجَفْ!

- ٤٧ -

ماليش في داء النفاق
ولا بعمل الخير رياء
وقلبي مالوش شبيهه
في الحُب، والاحتواء

- ٤٨ -

هانتخب الي يشوف مصالحنا
ويوفر عيشنا، ومطارحنا
والدوا إذا يوم عيا كَوُّمنا
وعمل منه نجيب لحالحننا

- ٤٩ -

إِخْتَارَ لِنَفْسِكَ مِ الْحَرِيمَاتِ
أَصِيلَةَ لَهَا أَصْلَ، وَمَقَامَاتِ
وَمَعَاكَ فِي أَيُّهَا شَيْءٍ كَانَ
مِنْ اجْتِمَاعِكُوا حَتَّى الْمَمَاتِ

- ٥٠ -

نَقَّرَ عَلَى بَابِ الْعَالِمِ
بِكُلِّ جَايٍ وَكُلِّ رَايِحٍ
وَالدُّنْيَا نَاسَهَا يَا سَالِمِ
يَا نَاسَ حَاتَاكُلِّ طَرَايِحِ

- ٥١ -

يا داري بـكُلِّ بـوحنـا
وأسرارنا الدفينـة
اغسل روحنا وجر وحننا
من الدَّنَس اللّـي فينا

- ٥٢ -

يا ناس يا غاويين الأسافين
فاقسين أسافينكوا وعارفين
إن الفؤاد مَطْلـي بالسـواد
والستكوا واخداكوا فين

- ٥٣ -

الناس ماها كده ليه جاحدة؟!
قاعدين ع السَّقطه وع الواحدة!
العُهر ده شيء راقى وحلال حتى الدجال
ده كُيوت ويا عيني بعين واحدة!

- ٥٤ -

مهما الحملات الهمجية
على مصر المحروسة تتشن
والسكاكين التلّمة تتسن
راح تفضل أولى برنجية

إِيهَ لِلْخَالِيَقِ جَرِي؟
وَإِكْلِيْنِ لِحُومِ بَعْضُهُمْ
وَالسِّرْإِيَهَ يَا تَرِي؟!
مَصَّاصِ دِمَاءَ عَضُّهُمْ!

أَهْ يَا كِلَابِ السِّكِّ الضَّالَّةِ
يَوْمَكُمُ الْإِسْوَ دَقَّ رَبِّ وَاللَّهِ
مِنْ دَمْعَةٍ مَظْلُومٍ وَلَا خَلَّى
دَعْوَةٍ عَلَيْكُمْ كُلِّ مَا صَلَّى

- ٥٧ -

القلب رَضْرَضٌ يَا بَشْرَ
مَنْ الْجَفَاءِ الِّى انتشر
ومن القلوب المش معروف
نواياها إذا خسر، ولا شر

- ٥٨ -

عُمَرُ الرِّيَاءِ مَا يَمْلِكُكَ
حَسَنَاتٌ وَمُلْكٌ وَجَاهُ
وَالْعُجْبُ لَوْ يَتَمَلَّكَ
تَهْلِكُ وَمَا فِيْشِ نَجَاةُ

- ٥٩ -

مَشْ مَعْنَى بَقُولِ اتَوَاضَع
تَبْقَى فِ نَفْسِكَ غُلْبَان
وَتَقْضَى حَيَاتِكَ خَاضِع
وَتَبْنَان سَلْبِي، وَجَبَان

- ٦٠ -

مَا أَحْبَبْتُ الْبَادِي
بِالْظُّلْمِ، وَلَا أَطِيقُهُ
وَلَا اللَّيْلِي بِيَعَادِي
وَيُظُنُّنْ فِي صَدِيقِهِ

- ٦١ -

يـالـي انتـوا مِنـا، وعـارفينـاً
بـيـنـا ما فيـش فضـل، ومـنـة
خوفـي لـيـجـي يـوم السـلام
بـيـنـا نـظـن وراه إنـ

- ٦٢ -

ما احـبـش اللـي يـسـب
ولا اللـي يـلـعـن حـد
يـالـي تـسـب احـسـب
وقـفـة حـسـاب الغـد

- ٦٣ -

هالك ياللي هَشت العرض
في دنيك قبل يوم العرض
والعرض مش بس عرض فرد
العرض برضه يعني أرض

- ٦٤ -

إن ضاعت أخلاقنا وراجت
وبطوننا من السُّحت ارتاجت
راح نلقى الأمراض اجتاجت
أبداننا، وشاهت ملامحنا

- ٦٥ -

تزيد في عندك أزيد في عندي
تبعني ولا ليك معزة عندي
وإذا يوم نده فؤادك لقلبي
العين دي لك قبل العين دي

- ٦٦ -

الأمهات دول شمس الدار
وهجرهم في الدين عيبة
جزاتهم في الآخرة صعبة
ونار رهيبة وخيبة وعار!

- ٦٧ -

شوفت ف منامي حلو الحياء
راكب حصان، ووراه صبي
رَميت سلامي، سَلَّم، وحيّا
وسألته مين؟ قال ده النبي!

- ٦٨ -

أبشع ما في الدنيا
ما يكون لنَاش كُنية
والأنكى لـو موتنا
لا قُمْناش، ولا كُلوينا!

- ٦٩ -

جَه اليَوم اليَلي تقول فيهِ
هَرَّة ان البرُقْع عَرَّة
وانسوا اننا يوم نتعرى
يا حريم إذا لم ننفيه

- ٧٠ -

أُمّات العيش الحاف
الي الشقاليها الحاف
حتى ودمها ممصوص
ونحاف أياديها نضاف

- ٧١ -

إيه آخرتك يا أبو قلب حبر
فُماشة فيها تتلّف وتتردّم
وجزاة ما قلبك صابه كبر
هاتبكي في النار قريح، ودّم!

- ٧٢ -

إختاري من جالك دارك
طالبك، وعارف مقدارك
يـزرع في أرضك أزهاره
ومحنتّه ترّوي خضارك

- ٧٣ -

يَالِي تَعِيش نَمَام مَا بَيْنَ النَّاسِ
الْجَنَّةِ مَا يَدُوسُهَا شَقَاتُ
وَدِي غَايَةِ السَّوْخِ الْخَنَاسِ
إِنَّكَ تَعِيشُ دُنْيَاكَ لَتَّاتِ

- ٧٤ -

إِنْهُضْ قَوْمَ يَلَاءٍ وَصَلِي الْفَرَضِ
قَبْلَ مَا تَتَنَدَّمُ تَحْتَ الْأَرْضِ
فَضْفَضْ وَادْعِ اللَّهَ يَسْتَرْنَا
فَوْقَهَا وَتَحْتَهَا وَفِي يَوْمِ الْعَرْضِ

- ٧٥ -

ياللي إسمك منه العروش بتتهاوى
وتفر من هيته الأباليس اللّولاوة
ياللي الأراضين والسما ويا العباد
في مُلكك يارب بتتاوى

- ٧٦ -

تاني القلب اتعاص ياني
من سهياني وعصيانني
ياما نفسي يوم يا شيطان
تلقى طريحة بعُصيانني

- ٧٧ -

بيننا ابن لذيـننا آذينا
ومخلّي قلوبنا حزينة
والمؤسف منّا استعبد
ناس تقتل، وتعزينا!

- ٧٨ -

ياما نفسي يا فرح أضـمك بين دراعيني
وان طولت اخبيـك، أحطـك في دراعيني
إمتى الهموم تنزاح؟! ومن الآلام ارتاح؟!
والقلب يدق بابه بدل الفرـح أفراح؟!

- ٧٩ -

مِمن اللّٰي فِى الْكُرْبَةِ
وَف شِلْتِى لِّلْـتُرْبَةِ
فِى الضَّهَرِّ، وَمَعَايَا
غَيْرُكَ يَا ذَا الْقُرْبَى؟

- ٨٠ -

نَقَّرْ عَلَى بَابِ الْحَيِّ
وَاحِدٍ مِّمَّنْ يَدَانِيهِ زِي
يَعَافِيكَ مِنْ دَارِ لَا شَرَارَ
فِيهَا بَتَلَوَّى لِّى

- ٨١ -

مقطع لسانكم يا قحابي
يا فاقدين علم، ورجولة
فين انتوا من أي صحابي
ضحى عشانكم ياندولة

- ٨٢ -

أنا اللي ربه رحمن حلیم
وغضبه ع اللي يعصاه أليم
ياما نفسي توبة قبل المات
واقابله بقلب صافي سليم

- ٨٣ -

الديناليه ماله غميقة
وأفئدة ناسها دنيئة
من يوم قابيل ما اغتال اخوه
وخطيئة بتجر خطيئة!

- ٨٤ -

مش كل مين قال لأعاق
ولا كل مين باس الإيد بار
البار ده إبن عطوف يرعاك
ويمشي جلك ع الصبّار!

عيشنا وشوفنا زمنا الهجر بين الأهل
وف بعض نتعشَّى واتفشَّى ما بينا الجهل
والأنكى نسل خبيث لجل الطمع شايف
الحجرع الأهل شيء عادي وطبيعي وسهل

مواجهة البلا مش بالرقص والحنجلة
ولا بالشراف أكل خزنه ورهلهنا
مواجهة البلا بالدُّعا إنه ينجلي
وشكر المولى إنه من تاني أمهلنا

- ٨٧ -

حسود ونفسيته مريضه
وملا محمه سوده وبغيضه
بيفتي في الدين والجاهل
لا زكى ولا أدنى فريضه

- ٨٨ -

يا أقباط يا نصارى ياهوه
يا دقّين ع الأيادي صليب
يسوع لا اندق بالكلاليب
ولا حتى المناكب قتلوه

- ٨٩ -

يا ناشئ السماوات بلا أعمدة
وحامينا من كيد اللئام والعدا
ارزق عبادك العشمانين جتتك
ونعيم، وخير من دة ودّه

- ٩٠ -

الملك لك يا واهب النور في القبور
يا ناشئ الروح جوّه أغوار البحور
مين يجهلك يا عاطي ياللي بنسألك
ترزقنا ضي لمسلّكك من غير شرور

- ٩١ -

أنا اللي ع الصبح اتربيت
وبالأدب، والدين ربيت
يالي تريد راحة البال دول
أساس سعادة أيُّها بيت

- ٩٢ -

مين اللي من خيرهِ اتربيت؟
وخلّاك ع التُّراب دبيت؟
الأب يعني حنان، وأمان
لو بس مَدَّأُسُهُ جِوهِ البيت

- ٩٣ -

إمتى القلب يلين ويروق
ويعود الفرح المسروق
والليل الموبوء ورياحه
ينزاحوا ويهمل شروق؟!

- ٩٤ -

ياناس كفاية جدل وخناق
وخصام على زي واعتناق
فيها إليه لما النقاش يبدأ
بالحسنى، وينتهي بعناق؟

- ٩٥ -

الراجل الحُر حتماً فعله من راسه
ولا عمره يسمح لحد انه يوذوذ له
والي يرخي سمعه للي بيوقد له
نار الفتنة والعداوة سهل افتراسه!

- ٩٦ -

إمتى اللي معوج يتعدل
قبل الستارة ماتتعدل
ويقول: ياريت ما كان بيني
وبين الخلق خلاف فضل؟!

- ٩٧ -

قالوا: نهاية اللي باع
ابن امه تاكله الضباع
ده انت بأخوك تقوى
وتخشاك السباع

- ٩٨ -

في غيبيتي يتكلم عني
ويشوفني، ألقاه يتوارى
ويرجع تاني يلعنني
وبينّالسه مافيش حارة

- ٩٩ -

يا عبد قوم الصلا خير من النوم
ده المشي في العتمه ثوابه بالكوم
ويوم ورا يوم راح تنتهي الأيام
فاختار تربح، ولا تكون محروم!

- ١٠٠ -

نَقَر على باب الكريم
واياك على المحتاج تَضِن
لا تمْن.. إحسن، واستقيم
في نعيم تقيم، وتستكِن

- ١٠١ -

ليه ما بينا يطول خصام
والحياة في الكون قليلة
ليه ما يبقاش فيه سلام
يوم ما بيننا ونبقى عيلة؟!

- ١٠٢ -

أيام وشهور بتنفوت
والبعد ما بينا تلال
والمؤسف إن الموت
في زمننا مالو هوش جلال!

- ١٠٣ -

تَشْرِكُ بِاللَّهِ تَهْوِي فِي نَارِ
وَهَّاجَةٍ الزَّادِ فِيهَا صَدِيدُ
يَالِئِي أَنْتِ خَنَاسُكَ فَنَارِ
النَّارِ مَقَامِعُهَا مِنْ حَدِيدِ!

- ١٠٤ -

الظُّلُمِ عَتَمَةٌ فَآخِرَتُكَ
وَنَارِ تَهْوِي عَلَيْكَ عُبابِ
وَجَزَاةُ مَا نَفْسُكَ غَرَّتْكَ
شَأْنُكَ أَقْلٌ مِنَ الدُّبَابِ!

- ١٠٥ -

تَغْتَابُ كَأَنَّكَ فِي لَحْمِ اخْوِكَ
تَاكُلُ وَشَأْنُكَ كَمَا الدِّيَابُ
وَجَزَاةُ غِيْبَتِكَ رَاحَ يَسْلُخُوكَ
فِي نَارٍ مَا لَكَشَ مِنْهَا إِيَابُ!

- ١٠٦ -

لِي صَبْرٌ حُسْنِي وَعَطَايَا
وَحَيَاةٌ بِصَحِيحِ مُنْعَمَةٍ
لَا فِيهَا تَعَاتِيرٌ وَلَا خَطَايَا
وَلَا سُدُودٌ وَلَا مَحْكَمَةٌ

- ١٠٧ -

إِلَيَّ إِدَى مِنْ مَالِهِ يَمِينُهُ
وَشِمَالُهُ بِالْخَيْرِ مَشَّ عَارْفُهُ
لَهُ بِحُورٍ، وَحُورٌ مِلْكُ يَمِينِهِ
وَقُصُورٌ وَبَسَاتِينُ تَيْنُ وَارْفُهُ

- ١٠٨ -

إِلَيَّ إِدَى لَوْ حَتَّى خَرْدَلَةٌ
وَكُنَّ فِي دُنْيَاهُ مِنَ الْمَنَاقِيدِ
وَمَا حَادِثٌ عَنْ رَبِّهِ أَنْ مَلَكَ
الْمَأْوَى حَاتِكُونَ دَارَهُ أَكِيدُ

- ١٠٩ -

تراعيه من الصِّبَا للْكُنْيَةِ
الخير: تلال تلال داخلك
تراضيه، تروض له الدنيا
أحمد سيد البشر خلك

- ١١٠ -

يالي بآدانك صبحت ديك
صدّاح شق بآدانه بحور
في الآخرة ربك حايها ديك
بالنور، وبقصور فيها حور!

- ١١١ -

الموت ده يعني واحد سَيق
وطار من دار فيها القلوب
الغِل جواهرها اختبأ
وعايشة حياتها بالقلوب

- ١١٢ -

واحد ورا الثاني م الدنيا دي بيغادروا
على غفلة والكل له وقته وحايقتنا
فيه اللي راح واستراح الخلق من غدره
وفيه صالحين بموتهم إبتدا موتنا

- ١١٣ -

إمتى الحق فوق ترجع
م الي استباح الدار؟!
واندار أطيح، واوجع
واقصص م الغدّار؟

- ١١٤ -

ناشئة الليل دي: قُربة لله
ومن الأزل دأب الصالحين
لها طعم القلب، ما يسلاه
ولولاها ما نطول الرياحين

- ١١٥ -

قالوا الي على ربه اتوكل
يربح، ولا عمره يتنكل
بيـه من بني الإنسان والجان
أو يفتنه شيطان يتشكّل

- ١١٦ -

الصبر عطاياه خير ونجاه
وملك وجاه وجنة براح
والي في دنياه كان رجاه
رضاه في الآخرة استراح

- ١١٧ -

يا ظالم اتقي دعوة المظلومين
تَشُقُّ سماء ربك وفي الحال تُجَاب
حتماً ما ربك ناصر المكلّومين
ومثله من يورينا فيك العُجاب

- ١١٨ -

ياللي تعيش دنيّاك كَنُود
لك يوم تبقى في بيت الدود
وحيد ما لكش أهل وجدود
ما لكش إلا رب الوجود

- ١١٩ -

يا ناشئ الكون والسماء والأرض
هَوِّنْ علينا الوقفة يوم العرض
يا رب، نجينا من الأهوال ونار
فيها الهجير والزمهير، والصَّهد!

- ١٢٠ -

صبوا اللهب فوق روسها صَب
مأوى الأفاعي الملائنة خسة
دُكُوها ذكع الي اغتَصَب
ودي البداية هاتشوفوا لِسَّه

- ١٢١ -

أبو قلب م البص والغيرة صبح داكن
يشيل في نفسه إذا شاف الأخ ويا الأخ
وحتى لو كان ما بينهم فيه خلاف لكن
ده الأخ يا بني إذا اتألم يبصرخ أخ

- ١٢٢ -

أنا اللي ياما جُبت ورأيت
من البشر أفعال تُبلي
وصبرت، ولا يوم اغتريت
بفعل صالح مكثوب لي

- ١٢٣ -

لما يحين الحين ولا حد حايالي
بدعوة ليك وانت هيكل عضام بالي
إلا اللي من دمك بنات وبنين
صالحين حايدعولك سنين وسنين

- ١٢٤ -

على بعض بنسلم ونبوس
وقلوبنا حاشية جواها غل
والغل ده إيه غير كابوس
وناس في ناس بتستغل!

- ١٢٥ -

أَكَّالِ الشُّحْتِ لِلْهَآوِيَةِ رُحْتَ
مَعَ إِنِّي يَامَا بِنَصِيحَتِي بُحْتَ
"تَمْشِي عِدْلَ فَيْكَ الْعُدُوِّينَ يَحْتَارُوا
تَحْتَارُهُ مِنْ نَارِهِ آدِيكَ نُحْتَ"

- ١٢٦ -

الْغُلْدُهُ نَارَ فَيِ الصَّدُورِ
مِنْ يَوْمِ مَا إِبْلِيسَ اعْتَرَضَ
يَسْجُدْ لَـ آدَمَ، وَانْطَرَدَ
وَدَمَ عِيَالِهِ بَقَى مَهْدُورِ

- ١٢٧ -

يا أَكَّالِينَ السُّحْتِ وَمَشِّ مَلَايِمِهَا
لَا حَرَامَ بِيَدِهِ وَلَا أَيَّ شَيْءٍ بَاقِي
أَيَادِيكُمْ شَاهِدَهُ شَاهِدُهَا، وَيَمِينُهَا
يَوْمَ عَرْضِكُمْ عَ الْوَاحِدِ الْبَاقِي

- ١٢٨ -

يَا لِي أَنْتَوَا بِالْوَاحِدِ كَافِرِينَ
وَبَقْدَرْتِهِ مَشِّ مُعْتَرِفِينَ
مِنْ غَيْرِهِ سَوَّاكُمْ بِشَرِّ
فِي الطَّبَّعِ وَاللُّونِ مُخْتَلِفِينَ؟!

- ١٢٩ -

مَيْنَ نَاشِئِ الْكَوْنِ وَالْقَارَّاتِ
وَالْأَمْسِ وَالشَّمْسِ الْوَاحِدَةِ
مَيْنَ زَيْنِ السَّمَاءِ بِمَجَرَّاتِ
وَضَوَى لَيْلِكُمْ يَا مَلَا حِدَةٍ؟!

- ١٣٠ -

يَا مَاشِيَيْنِ وَالْقَامَاتِ مَزْهَوَّةِ
وَالْكِبْرِ فَيَكُونُوا رَغْرَعُ نَمَا
مَهْمَا امْتَلَكْتُمُوهَا أَمْوَالُ وَقُوَّةِ
مَالَكُمُوهَا أَحْشَاشُ مُضْلِمَةٍ!

- ١٣١ -

في بطن القبر ناس صالحين
في بطن القبر ناس طالحين
يا ناس يا مروحين اختاروا
بينهم قبل القضا ما يحين

- ١٣٢ -

الناس جَل المال والصروح
والجاه نسيوا الله والضروح
ولحد آخر ندعة روح
ع الدنيا بعزمهم قابضين!

- ١٣٣ -

ولكل حي طريق مرسوم
حتماً ولا بد فيه يمشي
ياسلّم بالقضا المقسوم
يا فيه يهوى ولا يقومشي

- ١٣٤ -

الدينا مش دايمه لمخلوق
ياناس يأمّات دماغ مغلوق
واذا لم تعودوا قبل البوق
مآلكوا نار.. دار الفاسدين

- ١٣٥ -

تشيّع في بلادك البلبلة
وترمي على ناسك قنبلة
وتنشر فكر زيف بالسيف
مكانك في التاريخ مذبلة

- ١٣٦ -

ومهما عشت يا حي
سنيّن حتماً لك حين
فايتيها وحدها
ما منّها كتيّر رايجين

- ١٣٧ -

يا عابر الدنيا دي قلة وجهْجاعة
تَكِشْ تَحْشَاهَا تَشَقِّيكْ سَنِين
لأشد عودك وشَوْح ليها بشجاعة
وخلي ليلها مالوش عِينين

- ١٣٨ -

يا ماسعد اللي أخطأ وتاب
ومن الحلال لحمه نما
وف آخرته لا وقوف وعتاب
على ماضي ولَّى، وانكمى

- ١٣٩ -

الدنيا إليه غير مال، وعيال
وأبالسة لولاوة تفتنك
وأيام ماها مالكة عُضال
إن درت ضهرك تعجنك؟

- ١٤٠ -

وأخرها إليه توب بلا أكمام
وكتاب حاتقراه في آخرتك
وياتنستر بأعمال تمام
يا حاتلقى أفعال عرّتك!

- ١٤١ -

ما احبش اللي يقول
في يوم انا اديت لك
وكتبت في الكشكول
أخطاء وعديت لك

- ١٤٢ -

لو عايز يوم تتفتّح لك
كل الأبواب المقفولة
اتصدّق في الليل الأحلك
ع الفقرا ولو كانت فولة

- ١٤٣ -

أقصى ما في الكون إليه؟
قالوا: حبيب مـوجـوع..
أنا قلت: أقصى ما فيه
هو العـوـز، والجـوع

- ١٤٤ -

مستكترين الفرحـة عليك
وانت اللي أحزانك قنـاطـير
وهم الكون ده كله مالـيك
وكل ماتجيك فرحة تطير

- ١٤٥ -

يا قلبي ياللي شقيت ياما
وعشت حُزنك بقيامة
الحزن عمره ما كان بيدوم
وحتماً بكرة له قيامة

- ١٤٦ -

حالة من الخوف، والقلق
حين شوفت فجأه الملاء؟
رجاله لابسين الحلق!
شَلَق في مصرام الدنيا!

- ١٤٩ -

يَالِي بتخطب في الناس قول
قول نافع، وانت المسؤول
عن أي تطرّف .. وجهـول
مش عارف ولا حتى يبـول

- ١٥٠ -

نَقَر على باب العادل
كاتب قدرك، وقضاك
فيهم إوعى تجادل
لا النار تحرق ف عضاك

- ١٥١ -

مهما أعاني، ويحصل لي
وعليك اسلم، وأصلي
ألقى الهموم تنزاح، وارتاح
وخير من الله يوصل لي!

- ١٥٢ -

وسيم عظيم الهامة وكأنه القمر
في ليلة كحلى هل، وبضيه غمر
حين تلمحه تجبه له رهبة وهيبة
ويتسابقوا الأحبة إليه إذا أمر

- ١٥٣ -

يا خلق من الذنوب استغفروا وتوبوا
قبل اما الكل يقرأ بنفسه مكتوبه
ويتعرف مين الي فينا نضيف توبه
ومين فينا الي لَطَّخ توبه بذنوبه

- ١٥٤ -

ولا تترددي يا قلوبنا ابتدي
واقصدي باب المولى، وسددي
إركعي مجدي واسجدي توجدي
كل الي اشتهيته من ده ودي

- ١٥٥ -

قالوا الي صاحب بال واتنين
كذاب ماشي ف ركاب تايمين
أنا قلت: لأ مشغول البال
والفكر ده أذكى منه مين؟

- ١٥٦ -

إيه أصل هذا الوباء، والداء
إلي اسمهم هلس، وإغراء؟!
أنا قلت: لما اتخرسوا الناس
ولا قدروش قيمة الأخلاق!

- ١٥٧ -

أغبى ما في الكون مين؟!
قالوا: لصوص النذور..
أنا قلت: هما اتنين
ظنَّان، وشاهد زور

- ١٥٨ -

الشعب ماله بقى ليه قليل الإنسانيَّة!
معقولة نتواري من بعضينا في الأزمة؟
إزاي واحنا اللي فينا الجدعنة لازمة
ما بينا وقت المنيَّة؟ لسه سوء نيَّة!

- ١٥٩ -

بقى دي بلد النيل السمرا؟!
مهرجانات سهرات ليل حمرا
وجئت تصحى من النوم ضامرة
شقيانة بتحلهم بالتمرة!

- ١٦٠ -

وديت شيطانك ولك أنار
الزور تهلك، وراح تلقى
لك صاك ف آخرتك للنار
ده قول الحق لك أبقى

- ١٦١ -

تسرق ولو كانت بيضة
تهلك ويبقى الحال عيضة
في الدنيا وَصمة بين البشر
وعقوبة في الآخرة بغيضة!

- ١٦٢ -

ياللي انتوا مالكم عَيْرُكُمْ
وبيه مستعبدين غيرُكُمْ
آخِرُكُمْ خِرْقَة من غيرُكُمْ
وطعام لدود مستنيكم!

- ١٦٣ -

بمديدي، وبلقى وش بيتلوى
ومهما بعمل كله رايح في الهوا
يا نَّكارين الهوى مالكم كده جبارين
وسوء أدبكم مالوش دوا؟!

- ١٦٤ -

الجهل غل يقل بعقول تتوه وتضل
الجهل خله غشوم وشوم وشريشل
الجهل خله كتوم للحق والخير ل
تركه وقرر يوم في بحر العلوم ينزل

- ١٦٥ -

العِلَّةُ قِلَّةُ حيلة العِلَّةُ ناسها نحيلة
العِلَّةُ رعب وخوف وأنين وسنين كحيلة
ناسها بجسد متلوف، وأذلاً قِلَّةُ هزيلة
ويجوز تكون معروف في ناس ذنوبها ثقيلة

- ١٦٦ -

أيامه ممدودة، وناسه مهدودة
الفقر ضيق وهموم وسكة مسدودة
وغيوم وبوم بيحوم وليل دهور سودة
الفقر غربان شوم وقبر فيه دودة

- ١٦٧ -

يا شعب مالك كده بقيت قليل الحيا
جهل ومبّاءة وعَفَن وفقر في الأخلاق
وغباء وقِلَّة وفاء وميت مليون عيا
وانت الي كنت زمان بتصد أي بلاء!

- ١٦٨ -

واستعبد الحرام النفوس بعد الحلال ما انكفى
واستأسد الزيف، والقلوب أثقل منها الوفا
والغل بالجهل احتفى وانطفئ ضي المعرفة
والسفه طاف في البلد يبدر بلاهة وتفاه!

- ١٦٩ -

قلبي انخلع أول ما شفتك كده
يا مجمعة العشاق من كل جهة
يا وجهه كل الأحبة متنكدة
ومقنفة خاففة الوباء يجيها

- ١٧٠ -

معقول بقى بينا وبينك سور
ولا قادرين حتى نجيك، ونزور
ونزورك كيف أصلاً واحنا
على بعض بنشهد زور، ونجور!

- ١٧١ -

حتى ف عز الأزمة يا لصوص!
خدمة إيه اللي بألف جنيه
والشعب الفقر بينهمش فيه
وبيشرب من دمه المصوص

- ١٧٢ -

العالم ليه بقى كده موبوء
والناس مع بعض ف غاية السوء
هل دي نهايته وملاك البوق
قَرَب يَنْفُخ، وَيُفُض السُّوق؟

- ١٧٣ -

الدنيا دي فيها اسطبلات ومن الحمير مليانة
نَهَقَ حمار منهم وقال : حرام الضهر مال يانا
من الحمول: الغلا ، والغل والاصطبارع المر
وليه أصبر أنواع المر والدنيا بالخير حليانة؟!

- ١٧٤ -

حتى ف عز الأزمات غبا
حتى ف عز الأزمات طَمَع
أخطر ما في الكون مش وبا
أخطر ما في الكون الجَشَع

- ١٧٥ -

مَطَرَةٌ وَبِرْكَ وَوَبَالَةٌ
وَاحِنَا الْكَسَالَى سُوقَنَا الْهُبَالَةَ
وَالْأُنْكَى لِمَا صَابَنَا الْوَبَاءُ
كَنَافَ وَقْتِ الدَّعَاءِ عَالَةً!

- ١٧٦ -

مَهْمَا اجْتَرَحْتَ مِنَ الذُّنُوبِ
إِلْجَأَ لِرَبِّ الْكُفُونِ وَتُوبِ
وَاصْبِرْ فِي دُنْيَاكَ عِذْ الْأَذَى
وَفُوتَهَا وَأَنْتَ نَضِيفُ التُّوبِ

- ١٧٧ -

في زمنّا غيطان الصادق بور!
وفيا في الكذاب فيها زهور!
وعشان تبقى ترند، ومشهور
كون فيه محبوب عبد الدايم!

- ١٧٨ -

من غير متى ولا ما ولما اذا؟
ما لها الدياثة ف زمنّا عازة
ده ميزان الحياة يُخْتَل
إذا الغيرة اديناها أجازة!

- ١٧٩ -

يا مصر يا اللي مجمّعانا
من تاني قومي ونادي
وبرغم إنك مدّمّعانا
هواكي في قلوبنا دي!

- ١٨٠ -

الشعب ده ماله سفيه كده ليه؟
جاهل مش لاقى اللي يوعيه
والدء سارح، وبينهش فيه
تنظير وهزار، واستهتار بيه!

- ١٨١ -

ما بقاش في العالم غير إسفاف
إشي ناس تاكل زي الماشية
ونساء بيرقصوا في الأرداف
ولا في وشوشهم خشا أو خشية!

- ١٨٢ -

الشعب مل من التطيل
والرقص على كل الأحوال
ونفسه يرجع تاني نبيل
ويصد بقوة كل وبال

- ١٨٣ -

أراجوز والأرجزة فن وكار آخر صعلكة
وحياه ملعبة بين فرح وبكا آخر تهلكة
والفرق ما بيني وبين الناس إن لساني
فضّاح الناس اللي بتنهش مثلي ومثلك

- ١٨٤ -

أجل ما في المنامات
لما يزورنا اللي مات!
ونطوف مع بعض ف عالم
سالم ما فيهوش أزمات

إيه فايده الوبا إيلي أتانا بدون مواعيد؟
قالوا: اعتنينا بنضافة الأبدان والإيد
أنا قلت: وكان قبل ده كله
إن المودّة، والرحمة يوم عن يوم بتزيد

ياما نفسي اجمعكم يا حبة لئام
واديكوا بمداسي الطريحة التمام
يا عقول فاقدة الدين، والعلام
يا إعلام عرّه يا وشوش السُخام

- ١٨٧ -

إلهي وسيدي ومولاي
يا عالم باللي عَدَّي وجاي
رضاك مُنى الروح والأبدان
ورؤياك مَطْلَبِي ورجاي

- ١٨٨ -

ياللي انت عايز تتجوز
إختار لنفسك م الحريمات؟
إللي إذا كنت مبوَّز
تشبعك منها ابتسامات!

- ١٨٩ -

آن الأوان بقى نبقى إيد واحدة
ولا يبقى فيه بينا خلاف أو جدال
قصادنا أعداء جاحدة وملاحدة
بيسموا خيانتهم لناسهم نضال

- ١٩٠ -

لا دار ومـال وهـدوم
ولا حاجة لـيك حاتـدوم
غـير خـير لـوجه الله
عـملتـه مـرة ف يـوم

- ١٩١ -

يا محسنين ألقاش حداكوا حادي ودليل
يهديني لبلاد حرة • فيها خُضرة، ونخيل؟
بلاد ما فيهاش وبَا وعويل ولا حتى وداع
بلاد تمد الدراع وتشيلني ف عينها شيل

- ١٩٢ -

إشتد فيه الدُّعا واللي يلبي ينول
تلول في الجنة باقية له ومش هاتزول
قصور وبحور وحور متزوقة وعطور
ورؤية خالق النور اللقا المأمول

- ١٩٣ -

يا مِدَّارين في المحنة عنا، وفي الألغاز
نسيتموا دَقَّة آياديكم كل ما نتعاز؟!
واهو الزمن كاشف فَرَّاز مين الي إزاز
ومين الي بصحيح نادر زي الأماظ!

- ١٩٤ -

أنا قلبي ينسى الي ينساه
ولا عمره يصفى لمين قساه
ويعشق كل روح حاساه
في وقت الفرح، والمأساة

- ١٩٥ -

مش كل حد اعترض يتقال عليه إخوان
ولا كل مين أيد بقى عنصري وخوان
الكل من حقه يبقى له ف بلاده مقام
ورأي يُحترَم وعدالة في الاهتمام

- ١٩٦ -

يا رب ثبتني وسلّم حين اتسأل عنك
لانا كنت زنديق ولا ف نبيك عبت
ولا عمري يوم عن طاعتك غبت
ودايماً ادعي يزيد فيا الخشاً منك

- ١٩٧ -

أعجب ما في الكون إليه؟
قالوا: افتر الإنسان
أنا قلت: أعجب ما فيه
حَنُّية الحيوان

- ١٩٨ -

بحب البُن في المَحَمَصَة
وريحمة الحلبَة الحَصَا
وشادر مَشْغِي في المُولَد
وتحطيب الرجال بالعَصَا

- ١٩٩ -

يَا رَبُّ نَزِلْ عَلَيَّ اللَّيْلَ مَاتَ
مِنْ رَحْمَتِكَ شَأْيُ رَحِمَاتِ
وَاللَّيْلِ عَصَاكَ مِنْهُمْ، وَتَابَ
بَدَلَ بُكَاهِ هُنَا، وَابْتِسَامَاتِ

- ٢٠٠ -

نَقَّرْ عَلَيَّ بَابَ الْبَاقِي
رَبِّ جَدُّكَ، وَأَبَاءَكَ
مِنْ غَيْرِهِ يَزِيحُ أَعْبَاءُ
وَيَزِيحُ حَتْمًا أَعْبَاءَكَ

- ٢٠١ -

ما بقاش في العالم زوق
لما الواطي بقى فوق
وكمان يفتي، وله شأن
والي بدقن شيوخ سوء!

- ٢٠٢ -

إن زاد إحسانًا، وأحسنًا
ولسنا اتأنَّى ولا ساء
حايولي علينا أحسنًا
قوة ومروءة، وأخلاق

- ٢٠٣ -

أتعس ما في الكون مين؟
قالوا: الي ضلعه الدين
أنا قلت: والمحرومين
نظرة رضا الوالدين!

- ٢٠٤ -

أوحش ما في الكون إيه؟!
قالوا: انتظار لحـدك
أنا قلت: أوحش ما فيه
إنك تعيش وحـدك!

- ٢٠٥ -

يا ناس في الشر شابت
ما بينا الآخرة واصلوا
هانشوف مين فينا ثابت
ومين هاتسيب مفاصله

- ٢٠٦ -

أسخف ما في الكون إيه؟
قالوا: وشوش تلمة
أنا قلت: أسخف ما فيه
تافه.. وله كلمة!

- ٢٠٧ -

ولا بالإحضان، ولا بالتطبيع
هاتكسب معجيين يا وضع
لكن.. معروف طبع الفاسد
إنه ف يوم م الأيام هايبيع!

- ٢٠٨ -

عيشنا وشوفنا فيكي البيوت
ومساجد الله.. بتنهدم!
يا مصر فيكي من الجبروت
حلى الي يفديكي اتصدم!

- ٢٠٩ -

عجبي على اللي يختار لنفسه سوء المنيّة!
ويقولوا بالنيّة: حالة نفسية في انهيار!
واذا قلنا: شرعاً يا ناس حرام الانتحار!
قالوا: قلوبكم لا فيها رحمة، ولا إنسانية!

- ٢١٠ -

إخيه عليك داعي متكّون بمليون وش!
يا اقرع بكرش النبي ما يكفّيهوش معلش
وافهم بقى يا حمار! مقاطعة يعني قرار
إن احنا مش فارق ناكل كباب أو مش

- ٢١١ -

ولسه من المَرار حاتدوق
يانسل ابن الزنيم بونا بَرت
كسكست، واتكلمت بزوق
لما السوق انضرب وانهارت

- ٢١٢ -

عيسى بيبري المجرروح
وجروح كانت بتنوح وتُئن
واحمد في حنايا الروح
بفوح وقلوبنا إليه بتُجن

- ٢١٣ -

وابكي على الأمة يا عين
حين هَوَّهَ الكلب اللعين
وأساء لديننا ما لقالوش
إلي يَرُدُّ الصاع صاعين!

- ٢١٤ -

آه يا هوانكوا ياللي انتوا بالإسم مسلمين
فين انتوا لما الكلب ينهش في النبي؟!
مين الي غيركوا حايرد عنه الغيبة مين؟
النُّخبة؟! وَلَا الْقَحْبَة؟! وَلَا الْأَجْنَبِي؟!

- ٢١٥ -

الحق عمره ما ينكسر
والظلم مهماً طال فتيل
بُكرة اللي مظلوم ينتصر
ويرتوي له ياناس غليل

- ٢١٦ -

بُوريه م الشعب ده ميت بُوريه
ليه دايمًا شاكي وساخط ليه!
واللي يوماتي بيلعن والديه
تلاقيه يترحم بُكرة عليه!

- ٢١٧ -

وَعَمَّارِ يَا مَكَّةَ يَا الْقُورَى
بَعْدَ الْيَاسَنِ كَانَ مِنْ مَرَمَرَةٍ
فُرْجَتِ خِلَاصٍ، وَحَاتِرْجِي
بِالذِّكْرِ، وَالنَّاسُ مِنْوَرَةٌ!

- ٢١٨ -

رَاضِيَةٌ بَعِيَّةٍ، وَرَاضِيٌ بِعِيَّتِهَا
تَنْكُشُ فِيهَا أَقْرُصَ لِبَالِيَّتِهَا!
لَكِنْ مَا سَمَحَ شَطَوُهَا غَرِيبَ
أَوْ دَيْبٍ يَطْلُعُ يَوْمَ، وَيَعِيَّتِهَا!

- ٢١٩ -

برق في قلبي منه نبأ
ولا عنه أي شيء يُحْتَبَأُ
وإن مَن بالسوء بدأ
يهلك وعلى رأسه تنطَبَق!

- ٢٢٠ -

ما بقشّ قلوبنا صافية
يوم ما الظُّلم انتهَ كُها!
وسبّاها، وخدّها عافية
وجاب دأغها، ودَهَكُها!

- ٢٢١ -

واحنأ بقُطْطاط؁ وكفوللة
ولحد سنلنا الأوللى
روح واحدة؁ ولما كبرنا
عواطفنا بقت مقتوللة!

- ٢٢٢ -

فى الغربلة علونا مش غافلة
والعافلة بتنسرق عافلة!
والكافلة بعدها كافلة!
ونلآات خافلة شر حرلق

- ٢٢٣ -

عشان تكون في الكون وتعيش
ولا ينزلوا الناس فيك تَلطيش
يا تبقى بين الأسود ديب!
يا صيدة ياكلوك المنَاهيش!

- ٢٢٤ -

ولا للأفراح طعم، ومعنى
والأجباب غايين مش معنا
إمتى نجيهم بقى، ويجونا
والضحكة الصافية تجمّعنا

- ٢٢٥ -

نَقَّرَ عَلَى بَابِ الْمَالِكِ
يَوْمَ فِيهِ النَّاسُ صَنْفَيْنِ
نَاسٌ يَوْمَهَا طَوِيلُ حَالِكِ
يَا مَنْ الْأَهْوَالِ مُعَافَيْنِ

- ٢٢٦ -

مَهْمًا كَانَ الْحُزْنُ جَارِ حَنَا
وَالْهَمُّ مَشِيْبٌ مَلَامِحَنَا!
حَتْمًا وَأَكِيدُ رَاحَ يَنْزَا حُوا
وَحَانَسْتَطَعُمُ شَيْءٌ يَفِرُّ حَنَا

- ٢٢٧ -

الناس ليه ماشية باليندار
وحسودة وسودة من جُوه
ولا عاد وقار لكبير الدار
ولا عاد فيه جيرة ومروّة!!

- ٢٢٨ -

مين وانت واهن قوتك
وبقدرته اذاك قوتك؟!
مين وانت مبلي بالهموم
والحزن يسمع شكوتك؟

- ٢٢٩ -

أكره ما عليا ف يوم أسمع
لغو كلام ما لهوش معنى
أكره ما عليا ف يوم أوجع!
حتى الي وجعنا وباعنا!

- ٢٣٠ -

لا عشانك حانكوي بالنار
ولا يوم حالق جتتي
مين ده الي يرضى بالانكسار
وف نار يقول يا دھوتي؟!

- ٢٣١ -

من يوم ما أتأتى المقدور
وسحلنا، اضحضح حالنا
كومننا، وحشنا بالدور!
وشهور لابدين في رحالنا

- ٢٣٢ -

ملعوننة دار الشقا، والذل
لوانة فانية فايتها الكُل
رگك ما تسبك غير وانت
من جرایرها مئت بالسُل!

- ٢٣٣ -

والله اختلفوا اللصوص
على دمننا المصوص
بُكرة الي قال، وفَصَح
حايقولوا عنه جاسوس

- ٢٣٤ -

السحرده كذب مالوش رجلين
ولا عمره يخيل على ناس عاقلين
والي يآمن بيهم الضالين
الي طعمامهم في النار غسيلين

- ٢٣٥ -

عيني على ناس ناسهم
حارمينهم كلمة تسر!
ناس بخلاء بونسهم
حتى ف أوقات الضر!

- ٢٣٦ -

الأم دي هي الدفا والفلك
والضي اللي ف لياينا الحلك
القلب اللي يحبك بصحيح
ويعينك ع الأيام الهلك!

- ٢٣٧ -

يا قهرة الحاسد، وغيظه!
إن دق الفَرْح باب غيـره!
يحزن ويغض على نواجيذه
ويتمنى زوال خـيره!

- ٢٣٨ -

يا نُخبة قَحبة لئيمة وسُهنة
يا قلة في عيونا كمثل الحشر
الهبد مش في الشرع والسُّنة
ولا في اللي قاله رب البشر

- ٢٣٩ -

عيني عليكي طاهرة وبريئة
عايشة في بيئة عاهرة وخنيسة
ياللي اتنهش حَمَك وخوفتي!
قومي افضحى النوايا الدنيئة

- ٢٤٠ -

بيزايدوا على حُبِّك يا مصر
في كل وقت وكل عصر!
هو اللي دَق النَّفِير لجَلِّك
يعرف يهز الخصر؟!

- ٢٤١ -

دمعي لفراق الحبيب صَّيب!
وجرحي دامى مالوش طَّيب!
ولا كان في بالي يوم الفراق!
ولا كنت اظنه مُر وصَّيب!

- ٢٤٢ -

لا بالتطيل، وهز الخصر
هاتبقى قد الدنيا مصر!
بلدنا محتاجة لبنَّا
يبني العقول مش قصر!

- ٢٤٣ -

ما فيش حاجة اسمها عنوسة
ولا بنت بايرة ومنحوسة
يوم ما الهوى يدق الأبواب
تستقبله أحلى عروسة

- ٢٤٤ -

القهر ف قلبي شاع والتاع
مش من بلا ولا شُح متاع
من يوم رأيت الشماش جي
في بلادنا بقى يأمر ويُطاع!

- ٢٤٥ -

من إمتى واحنا بنترحم ع المُلحدِين؟!
شَواذِ الفِكر والمنظر ناكِرِين الدِين!
ناقص في يوم تترحموا على ابو لهب!
وتقولوا عنه وَلِي ومراته م الزاهدين!

- ٢٤٦ -

ما فيش حاجة اسمها عنوسة
أو النصيب بَطَّيْء، ولا جاش
ده الكون بدون أي أنوثة
كئيب ولا يسوى أو يتعاش

- ٢٤٧ -

في زمانه مُبتلين بشوية ناس هوام
بيحرموا في الحلال ويحللوا في الحرام
ماهم غير في المراء، ومجالس الافتراء
وبينهمشوا ف علماء لها حُرمة واحترام

- ٢٤٨ -

ولا حاجة في الدنيا عَويصة
طول ما احنا فيها بتساهل
وتبقى في عيوننا رخيصة!
إذا الجميع راضي، وذاهل

- ٢٤٩ -

أعجب ما في الأيام
أموات يجوننا منام
والعايشين وسطينا
ما يردوش السلام!

- ٢٥٠ -

نقر على باب الحق
والشياطين قولها لأ
لأ من وانت بتحبي
ولحد ما تشهق "ها"

□ الشاعر في سطور:

خالد عبد المنعم .. شاعر مصري ..

- وُلد في القاهرة عام ١٩٨٦ م ..

حائز على عدد من الجوائز في كتابة الشعر العامي .. منها:

- جائزة الإذاعة المصرية (شبكة البرنامج العام) عن قصيدة:
أيام الحرب.

- جائزة تقدير من المجلس الأعلى للثقافة وجمعية القبائل
العربية المصرية، عن قصيدة: العامل.

- جائزة تقدير من قطاع صندوق التنمية الثقافية عن قصيدة:
العامل.

□ له العديد من القصائد المذاعة على شبكة البرنامج العام منها:

- ناعسة.

- الغابرين.

- الخوالد.

- العامل.

- نخل السما
 - بكائية الشيب والشقا
 - نسمة ساعة القيلولة.
 - ساعة العشا.
 - تجليات إلهية.
- له العديد من القصائد المنشورة في جريدة اليوم السابع منها:
- اللهو الخفي.
 - أيام الحرب.
 - الساحة.
 - الفنار.
 - المواجهة.
 - في بلاد البصرة والكوفة.

■ ■ ■



مزاج الكتب
للنشر والتوزيع

ج ٢٠٠ ع
الإسكندرية

Email: mazagelkotob@gmail.com

Mobile: 01024541339